

Date – 26/12/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

- 1 Vawiin tlai khan Mizoram pumpui a kohhran tam zawk chuan Krismas lawmna ruai an theh.
2. Sorkar chuan Lunglei High Power Committee (HPC) thiat tura rawtna awm chu pawm rih lovin zir chian ni se a ti.
3. Kumin chhung hian ruihhlo hmansual vangin Mizoramah mi 62 an thi tawh.
4. Prime Minister Narendra Modi-a'n eitur tih-hriselna leh a kaihhnawih thila hman tur scheme Suposhit Gram Panchayat Abhiyan a tlangzarh.

<><><>

CHRISTMAS FEAST

Vawiin tlai khan Mizoram pumpui a kohhran tam zawk chuan Krismas lawmna ruai an theh.

Kohhran tam zawkah chuan zingkar atangin ruai buatsaihin fatute an che a, ran chi hrang hrang talhin kawng hrang hrangin ruai an buatsaih a ni. Kohhran tam zawk chuan vawiinah hian Kohhran inkhawm an ruahman lo a, lenkhawm erawh a awm tlangpui a. Tukthuan eikham atangin tlai ruai theh thlengin kohhran mipuite kohhran hall leh mimal in remchangah an lengkhawm a ni.

Kohhran thenkhatah chuan Biak In tualah naupang infiamna hrang hrang buatsaih a ni a, naupangin an hlut hle a, ruai theh hma zawng Sunday School zirtirtute buaipuiin an infiam a. Kohhran thenkhat chuan ruai theh zawha zaikhawmpui te buatsaihin a then chuan ruai theh zawh programme hran siam lovin zan inkhawm an ruahman thung a. Inkhawm bana lengkhawm tur te pawh an awm bawk a ni. Mizoram chhunga kohhran thenkhat chuan naktukah hian ruai an la nawn dawn bawk a. Kum dang ang bawkin ruai theh hi Krismas lawmna kharna anga ngaih a ni chungin kum upa lam lunglengte chuan lenkhawm an chhonzawm zel dawn a, ruai nawn zui pawh thingtlang lamah chuan an awm rin a ni.

<><><>

MPCB

Mizoram Pollution Control Board chuan Krismas lawmna kal mekah hman khat daih plastic leh a tlukpuite hmang lo turin Kohhran tin leh mtin an ngen.

Mizoram Pollution Control Board hotuten Akashvani News Aizawl an hrilh danin Mizoram chhung, a bik takin district khawpuiah te kum dangah Krismas leh Kumthar lawmna a thingpui leh a hmeh sem kualna leh ruai thehna chaw thleng atan hman khat daih plastic chu hman a nih thin thu an sawi a. Hei hian bawlhhlawh tam tak siam belhin bawlhhlawh sangbawl kawngah pawh tawih thei lo a nih avangin bawlhhlawh a let a a tih tam thin thu an sawi a. Kohhran tin leh mi zawng zawng hemi kawnga harh thar a sil fai theih emaw leilung a tawih mai thei no leh chaw ei thleng a tam thei ang ber hmang hram tura an ngen thu an sawi bawk.

Mizoram Pollution Control Board hotute chuan halpuah leh puak thei thil dang Krismas lawmna bikah hriattur a awm loh thu Akashvani palai John Vanlalchhuanga chuan a sawi a.

<><><>

CHRISTMAS CRIME REPORT

Kum 2024 Krismas hunpui kal mekah Mizoram Police hotute'n Akashvani Aizawl an hrilh danin boruak a ralmuang hle.

Aizawl Police Station-ah nizan atanga vawiin chawhnu thlengin mipa pakhat rukruk thubuai avangin man a ni a, hei bakah hian hmeichhe pakhat halpuah leh halmawi zawrh avanga man a ni bawk. Bawngkawn Police station-ah hmeichhe pakhat chu zu avanga man a ni a, Kulikawn Police Station leh Vaivakawn Police Station bakah Zonuam Outpost ten mi tang an nei lo thung a ni.

Kumin Krismas-ah hian bazar chhunga mipui che vel zingah rukruk a tlem hle tih Aizawl New Market Beat Post-a thawktute chuan Akashvani Aizawl an hrilh a. Kum danga mipui kara mi bag leh ipite a thil ruk ching awm thin te pawh kuminah chuan report a awm meuh lo thu an sawi a. Kumdang zawng aiin mipuite an felin thunun pawh an nawm thu an sawi a ni.

Millenium Centre-a security hotute pawhin kumina mipui bazar zingah rukru leh buaipui ngai khawpa ruihtheih thil avanga buai an awm loh thu Akashvani palai an hrilh a. Thil ruk ni lo, mahni thil ken theihnghilh leh tibo an awm thu leh, heng mite hi an bungrua pek let an nih tlangpui thu an sawi bawk a ni.

<><><>

PWD

Mizoram PWD hotute chuan kawngpui thar sial hmabak, a vai a belkhawma kilometer 833 leh metre 85 a thui an neih thu an sawi.

Akashvani Aizawl correspondent zawhna chhangin Mizoram PWD hotute chuan PMGSY ruahmanna thar, PMGSY-III hnuaiyah kawng 17, a vaia belkhawma kilometer 487.50 a thui siamna tur sum ruahman, cheng vaibelchhe 469 leh nuai 62 an hmuh tawh thu sawiin a thawktu tur contractor pawh thlan fel an nih tawh bakah hna tan thuai tura an inbuatsaih mek thu an sawi a. Hei bakah hian PM- Devine hnuaiyah Aizawl By-Pass (Aizawl tlak lam) sialna tura cheng vaibelchhe 500 an hmuh tawh thu leh contractor pawh thlang fel tawhin hna thawhna tur thuthlung pawh ziah fel thuai tum a nih thu an sawi.

Mizoram PWD hotute hian Finance Commission 16-na chu kawngpui kilometer 307 leh metre 80-a thui siamna atana sum ruahman cheng vaibelchhe 1,142 leh nuai 32 chu an dil thu leh hmuh ngei an inbeisei thu an sawi a, hei bakah hian NABARD hnuaiyah kawng panga a vai a belkhawma kilometer 38

leh metre 55 a thui sialna tur detailed project report cheng vaibelchhe 67 leh nuai 24 an thehluh chu sanction an la hmuh loh thu an sawi bawk a ni.

<><><>

LUNGLEI HPC

Sorkar chuan Lunglei High Power Committee (HPC) thiat tura rawtna awm chu pawm rih lovin zir chian ni se a ti.

Tun hnai a council of ministers thutkhawmah hemi chungchang hi ngaihtuah tur zingah lutin Lunglei Municipal Council (LMC) a awm hma kha chuan High Power Committee hi thil tula ngaih a ni a. LMC a lo awm takah chuan thuang hniha awm zel hi a tul tawh lova ngaihna avangin tihtawp ni mai se tih rawtna a lut a. Heih lai hian Lunglei a tlawmngai pawl hrang hrang December ni 19-a inhmukhawm chuan council of ministers thukhawmin Lunglei HPC thiahna tur rawtna a ngaihtuah dawn tih an hriat thu leh a tawp thlenga dodal an tum thu an puang a. Hetiang hi a nih tak avangin December ni 20 a council of ministers thukhawm chuan HPC thiat tura rawtna hi pawm lovin zir chian leh phawt ni se a ti ta a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puang a ni a. AIR News Aizawl Youtube Channel, All India Radio News Aizawl Facebook page leh newsonair.gov.in-ah te, chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

DRUG RELATED DEATHS

Kumin chhung hian ruihhlo hmansual vangin Mizoramah mi 62 an thi tawh.

Excise & narcotics department chhinchhiah danin kumin January thla atanga tun thleng hian ruihhlo vangin mi 62 an thi tawh a, ruihhlo hmansual avanga thite hi mipa 54 leh hmeichhia 8 an ni. Hemi tiam hian kum 1984 a heroin vanga thi pakhat chhinchhiah a nih atanga tun thleng hian Mizoramah ruihhlo vanga thi zat hi 1,874 an tling tawh a, mipa 1,649 leh hmeichhia 225 an ni a. An zinga 1,161 hi spasmo proxyvon leh parvon spa vanga thi an ni a, mi 268 chu heroin vanga thi an nih lai-in damdawi hman pawlh vanga thi hi mi 445 an awm bawk ni a chhinchhuah a ni. Kum 1984 atanga kum 1989 thleng khan spasmo proxyvon vanga thi an la awm lova, heroin vanga thi hli an ni a, damdawi dang leh a chawlpawlh avanga thi hi kum 1984 leh 1998 thleng khan an awm lo bawk.

Nachhawkna chak tak proxyvon leh parvon spa hi sorkar laipui-in siam a phal tak loh avangin hemi damdawi ei avanga thi hi an tlem chho tial tial a, kum 2017 atanga tun thlengin an awm leh tawh lo. Ruihhlo vanga thi an tam ber kum chu 2004 kha a ni a, hemi kum hian mi 143 an thi a, kum 2000 khan 139 thi-in kum 2003 khan mi 136 an thi bawk a. Thite hi tlem te tih loh chu proxyvon leh parvon spa vanga thi deuh vek an ni.

Kum 2016 khan heroin avangin mi 36 an thi a, hemi tih loh chu kum tinin damdawi chi hrang hrang hman pawlh avanga thi an tam ber chho zel a, nikum pheikha chuan thi zawng zawng 76 kha damdawi chi hrang hrang khawih

pawlh vanga thi vek an nih thu excise & narcotics department hotute chuan an sawi a ni.

<><><>

FARKAWN MURDER

Kumin October ni 30 a Myanmar mi 3-in an sawisak Pu Sangkima (45) Farkawn Zawra Veng a cheng chu hun engemaw chen enkawl a nih hnu-ah December ni 24 khan State Referral Hospital, Falkawn-ah a thi.

Farkawn Zawra Veng YMA Branch secretary Pi Bethsebi Lalrinzuali sawi dan chuan Pu Sangkima hi Chawngtui pengah October ni 30 khan sawisak rawn a ni a. Farkawnah phur pheiin Champhai district hospital-ah dah luh nghal a ni a. November ni 2 khan Falkawn a State Referral Hospital-ah a thluak thisen tling zai nghal a ni a, November ni 7-ah zai nawn lehin ni 9 a an endik chuan an zaina a tha ni a sawi a ni a, chuti chung chuan a thih thlengin a harh chhuak leh tawh lova. Nimin khan a thi ta a ni.

Farkawn Zawra Veng YMA hruaitute chuan Pu Sangkima sawisatute hi Tai Thawm Lal, Bungzung khua, Cheu Lian Hum leh Sum Lian, Tlauhmun khua ve ve te niin an sawi a. Tai Thawm Lal chauh hi Police-te'n manin Champhai district jail-ah dah a ni a, midang 2-te hi ngawrh taka zawn zui an ni a. Tualthattu a puhte hi Myanmar atanga lokal a Vaphai khua a an chhungkhat laina raltlante rawn tlawh an nih thu an sawi.

Pu Sangkima tualthihna a mawhphurtute hi man a hrem ngei an phut thu YMA branch chuan sawiin Myanmar ramchhung buaina avanga Mizorama rawn raltlante duat taka enkawl an nih lai a pawikhawihna a thleng leh thin hi pawl an tih thu leh tun hnu-ah thleng tawh lo se an duh thu an sawi bawk a ni.

<><><>

PRIME MINISTER NARENDRA MODI RECALLS VALOUR AND SACRIFICE OF SAHIBZADES ON VEER BAAL DIWAS

Prime Minister Narendra Modi-a chuan India ram mipui rorelna zau zawng chu Gurus zirtirnaah a innghat a, Sahibzadas inpumpeknaah te, ram chhung amite inunaunaah te a innghat a ni a ti.

Prime Minister chuan vawiin khan Bharat Mandapam, New Delhi-a Sahibzadas hriatrengna atana buatsaih Veer Baal Diwas-ah thu a sawi a. Guru ziarang chuan mipuite chu inzah tawn theuh turin a zirtir a, chumi tho chu India danpui pawh hian min zirtir a ni a ti.

Byte....

Narendra Modi-a chuan mi huaisen Sahibzadas-a khan a pawnga taka tlawm lo turin min zirtir a ni a ti a. India danpui pawhin mipuite chu thuneihna a pe a, chu chu India hmachhuan ber a ni a ti.

He hunah hian Prime Minister chuan eitur tih-hriselna leh a kaihnawih thila hman tur scheme Suposhit Gram Panchayat Abhiyan a tlangzarh nghal bawk a ni.

Kum 2022 khan Narendra Modi-a chuan December ni 26 hi Guru Gobind Singh-a fate zinga Sahibzade Zorawar Singh leh Sahibzada Fateh Singh-te hriatrengna ni atan Veer Baal Diwas-ah a puang a ni.

<><><>